



門中
編 83
卷 2



保嬰全書卷之五



贈太醫院院使薛 鎧編集

前太醫院院使男薛已治驗

鶴膝行遲

錢仲陽云鶴膝者乃稟受腎虛血氣不充致
肌肉瘦薄骨節呈露如鶴之膝也行遲者亦
因稟受肝腎氣虛肝主筋腎主骨肝藏血腎
藏精血不足則筋不榮精不足則骨不立故

不能行也鶴膝用六味地黄丸加鹿茸以補其血氣血氣既充則其肌肉自生行遲用地黃丸加牛膝五加皮鹿茸以補其精血精血既足則其筋骨自堅凡此皆肝腎之虛也虛而熱者用六味地黄丸虛而寒者用八味丸若手拳攣者用苡薏仁丸足拳攣者用海桐皮散脾胃虧損腎臟虛弱寒邪所乘而膝漸腫者佐以補中益氣湯及大防風湯

治驗

一小兒體瘦腿細不能行齒不堅髮不茂屬足三陰經虛也用六味丸補中益氣湯服年餘諸症悉愈形體亦充實

一小兒六歲面色晄白眼白睛多久患下痢忽聲音不亮腿足無力先用四神丸止其痢後用地黃丸加牛膝五加皮鹿茸補其腎兩月餘漸能行半載後其聲響亮後

停食另用消食丸連瀉五七次去後益頻
五更侵晨為甚聲音復瘖步履復難而腿
足作痛仍服前丸兼補中益氣湯而愈
一小兒七歲左腿自膝下至脛細小行步
無力用地黃丸加鹿茸五味子牛膝為主
佐以補中益氣湯半載腿膝漸強而能步
畢姻後其腿內熱足心如炙唾痰口渴余
謂當補脾腎不信另用滋陰丸痰熱益甚

服四物黃栢知母之類飲食日少服二陳
青皮枳殼之類胸滿吐血服犀角地黃湯
唾血不時大便頻數復請視仍泥實火余
辭不能治恪服犀角地黃湯而唾血益甚
不時發熱後復懇治余曰兩足心熱唾痰
口乾腎虛水泛也飲食少思胸膈痞滿唾
血不止脾虛失攝也晝發夜伏夜作晝止
不時而熱無根虛火也遂用四君子及八

保嬰全書卷五
珍湯地黃丸間服而愈

四神丸治脾虛胃弱大便不實飲食不思或

泄利腹痛等症 方見驚瀉

苡薏仁丸治稟受肝氣怯弱致兩膝攣縮兩

手伸展無力

當歸 焙

秦艽

苡薏仁

酸棗仁

防已

羌活 各一兩

右為末煉蜜丸艾實大每服一九麝香荆

芥湯下

海桐皮散治稟受腎氣不足血氣未榮脚指

拳縮不能伸展

海桐皮

牡丹皮

當歸 酒浸

熟地黃

牛膝 酒浸各一兩

山茱萸

補骨脂 各五錢

右為末每服一錢葱白煎湯食前服

五加皮散治四五歲不能行

真五加皮

川牛膝

酒浸二日

木瓜乾

各等分

右為末每服二錢空心米湯調下一日二

服服後再用好酒半盞與兒飲之仍量兒

大小

益氣養榮湯治氣血損傷四肢頸項等處患

腫不問軟硬赤白痛否日晡發熱或潰而

不斂者並宜服之

人參

茯苓

陳皮

貝母

香附

當歸

酒拌

川芎

黃芪

鹽水拌炒

熟地黃

酒拌

芍藥

炒各五分

甘草

炙

桔梗

炒

柴胡

各三分

白朮

炒一錢

右薑水煎服大人倍用

八珍湯

即四君四物二湯四物見急驚四君見內釣

四神丸

方見驚瀉

六味丸

八味丸

即六味丸加肉桂附子二方見腎臟

消食丸

方見嘔吐乳

補中益氣湯

方見虛羸

大防風湯

方見鶴膝癩

四君子湯

方見內釣

齒遲

經云齒者腎之標骨之餘也小兒稟受腎氣不足腎主骨髓虛則髓脉不充腎氣不能上

營故齒遲也用地黃丸主之

治驗

- 一 小兒三歲言步未能齒髮尤少體瘦艱立發熱作渴服肥兒丸不應余曰此腎虛疳症也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五味子半載而元氣壯健
- 一 小兒體瘦腿細行步艱辛齒不堅固髮

稀短少用六味地黄丸補中益氣湯年餘
諸症悉愈形體壯實

芎藭散治齒生遲或齒嚼物少力

芎藭

生地黄

山藥

當歸

芍藥

甘草

各等分

右各另為末每服二錢白湯調

地黄丸

方見腎臟

補中益氣湯

方見虛羸

咬牙

夫齒屬足少陰腎經牙牀屬手足陽明經小
兒寤寐不時咬牙其所致之經不同或本於
心經之熱或本於肝經之熱或本於脾肺腎
經之熱若發熱飲水叫哭而搐者心經實熱
也睡困驚悸合面而卧者心經虛熱也面青
目劄呵欠項強煩悶者肝經實熱也手尋衣
領及亂捻物者肝經虛熱也發搐目青面赤

肝經風熱也煩悶喘促見於申酉時者肺經
熱也胸滿氣急喘嗽上氣肺感風寒也見於
亥子丑時者腎經熱也眼目畏明及無睛光
或解顱下竄胎稟腎虛也飲水口中氣熱胃
經實熱也飲湯口中氣冷胃經虛熱也發搐
呵欠面黃脾虛發驚也心經實熱用瀉心湯
虛熱用導赤散肝經實熱先用柴胡清肝散
治肝火後用六味丸生肝血肝經風熱亦用

前藥虛熱則用六味丸肺經實熱用瀉白散
虛熱用保肺湯腎經實熱用六味丸減茺萸
二兩以生地易熟地虛用地黃丸胃經實熱
用瀉黃散虛用異功散脾虛發驚用五味異
功散若乳母多食膏粱厚味致兒咬牙者用
清胃散

治驗

一小兒七歲素喜食甘味兩手發熱夜睡

咬牙用瀉黃散而愈後不守戒仍作用大
黃等藥前症益甚更滯頤弄舌手足冷余
謂此脾胃復傷而虛甚也用六君子加柴
胡升麻治之漸愈又用五味異功散加柴
胡升麻而痊

一小兒面素痿黃或時變青飲食過多睡
而咬牙服尅伐之劑口舌生瘡大便泄青
發搐痰盛唇青手冷用六君加木香柴胡
升麻數劑而安但飲食後腹膨作噯用四
君子湯為細末不時煨薑湯調服少許月
餘而痊

一小兒十五歲盜汗面赤睡中咬牙自服
清胃散前症益甚更遺精晡熱口乾倦怠
余用六味地黄丸補中益氣湯而痊

一小兒十四歲素食膏粱炙燂睡中咬牙
此脾胃積熱先用清胃散及二陳黃連山

查犀角各數劑間服補中益氣湯而愈
一女子十四歲發熱作渴月經先期睡中
咬牙此肝脾二經虛熱也用加味逍遙散
而安後因怒前症俱作用柴胡梔子散而
瘥

一小兒夜間咬牙或盜汗或便血審其母
懷抱鬱結又無便血用加味歸脾湯加味
逍遙散與母無服其子亦愈

一小兒因母食膏粱醇酒睡中咬牙或時
鼻衄右腮鼻準色赤先用加味清胃散加
味逍遙散與母服兒亦愈

一小兒病後不語睡中咬牙驚悸飲水困
倦少食用化痰鎮驚等藥益甚余謂屬心
脾腎陰虛用六味地黄丸為主佐以五味
異功散秘旨安神丸諸症頓愈

一小兒感冒風邪咳嗽喘逆不時咬牙右

顯色赤此肺經客熱用潔古黃芪湯一劑
而痊後因停食腹脹咳嗽鼻塞咬牙用六
君子湯加桔梗桑皮杏仁一劑而愈
一小兒咬牙審知因母大怒先用小柴胡
湯加山梔牡丹皮治之母子並愈
潔古黃芪湯

人參

黃芪

茯苓

白朮

芍藥

各一錢
乾薑

陳皮

藿香

各五分

右水煎服

保肺湯

方見傷風咳嗽

柴胡梔子散

柴胡清肝散

二方見發熱

補中益氣湯

方見虛羸

小柴胡湯

方見瘧症

二陳湯

方見寒吐

瀉黃散

方見脾臟

瀉心湯

導赤散

秘旨安神丸

三方見心臟

瀉白散

方見肺臟

地黄丸

方見腎臟

六君子湯

歸脾湯

四君子湯

加味道遙散

清胃散

異功散

六方見內鈞

語遲

錢氏云心之聲為言小兒四五歲不能言者由姪母卒有驚動邪乘兒心致心氣不足故不能言也有稟賦腎氣不足而言遲者有乳

母五火遺熱閉塞氣道者有病後津液內亡
會厭乾涸者亦有脾胃虛弱清氣不升而言
遲者心氣不足用菖蒲丸腎氣不足用羚羊
角丸閉塞氣道用加味道遙散津液內亡用
七味白朮散脾胃虛弱用補中益氣湯

治驗

一小兒言遲泄瀉聲音不亮雜用分利清
熱等劑喉音如啞飲食少思朝用地黃丸
加五味子夕用補中益氣湯其瀉漸止遂
專服前丸兩月喉音漸響

一小兒白睛多瀉後喉瘖口渴兼吐大便
不實朝夕服地黃丸而痊後患瀉喉復瘖
仍服前丸而愈此皆稟賦腎氣不足故用
是藥

一小兒五歲不能言咸以為廢人矣但其
形色悉屬肺腎不足遂用六味地黃丸加

五味子鹿茸及補中益氣湯加五味子兩月餘形氣漸健將半載能發一二言至年許始音聲如常

菖蒲丸治心虛語遲

石菖蒲

丹參

各一錢

赤石脂

三錢

人參 半兩

天門冬

去心焙一錢

右為末煉蜜丸麻子大食後溫水服二三

十丸

羚羊角丸治行遲

羚羊角 鎊

虎脛骨

醋炙黃

生地黄

焙

酸棗仁

白茯苓

各五錢

肉桂

防風

當歸

黃芪

各二錢半

右為末煉蜜成劑每服一皂子大白湯化

下

七味白朮散

方見腹痛

補中益氣湯

方見虛羸

六味地黄丸

方見腎臟

加味逍遙散

方見內鈞

瘖

經云舌者音聲之機也喉者音聲之關也小兒卒然無音者乃寒氣客于會厭則厭不能發發不能下致其門闔不啓故無音也若咽喉音聲如故而舌不能轉運言語則為舌瘖此乃風冷之邪客於脾之絡或中於舌下廉

泉穴所致也蓋舌乃心之苗心發聲為言風邪阻塞其經絡故舌不能轉運也若舌本不能轉運言語而喉中聲嘶者則為喉瘖此亦為風冷所客使氣道不通故聲不得發而喉無音也然或風痰阻塞或因心經氣虛或因脾之脈絡受風或因風痰滯於脾之絡或因脾氣不足或胃中清氣不升皆足以致瘖大抵此症亦有稟賦腎氣不足不能言者有乳

母五志之火遺兒薰閉清道不能言者或兒
病津液耗損會厭乾涸不能言者或腎氣不
充虛火上炎傷肺不能言者有驚風中風不
能言者若遺熱與津液耗者用七味白朮散
清氣不升者用補中益氣湯稟腎不足與虛
火傷肺者用六味地黄丸若仰首咳嗽肢體
羸瘦目白睛多或兼解顱呵欠咬牙等症悉
屬腎虛非地黄丸不能救也

治驗

一小兒面色目睛多白兩足脛常熱所患
之症悉屬腎虛畢姻後唾痰口乾頭暈久
瀉忽然失音先君云此亦腎虛也用補中
益氣湯八味四神二丸補之尋愈
一小兒亦面色目睛多白大便頻泄侵晨
作瀉肌體骨立食少唾痰先君謂腎氣不
足之故不信後加頭暈聲瘖足脛逆冷復

請治仍欲祛痰又云頭暈聲瘖中氣不能
上升也足脛逆冷陽氣不能充達也遂用
補中益氣湯及四神八味二丸以補命門
之火而愈

一小兒患泄瀉聲音不亮雜用清熱等劑
聲音如瘖飲食少思去後多在侵晨朝用
地黃丸加五味子夕用補中益氣湯其泄
頓止却專服前丸不兩月聲亮而愈

一小兒目睛多白黑少吐瀉後喉瘖口渴
大便不實朝夕悉服地黃丸而痊後患瀉
其喉復瘖仍服前丸遂愈

一小兒十一歲形羸骨立面皎口乾白睛
多而黑睛少不能頓言用六味地黃丸補
中益氣湯其形漸充年餘而能言

一小兒解顛不言其形屬腎虛而無疳症
先用六味地黃丸以補腎水又用補中益

氣湯以補肺金半載漸愈年餘瘳病痊而
能言

一小兒喉音不亮至十九歲咽仍不響面
色赤白睛多畏明畢姻後頭覺脹視物皆
大作渴飲冷亦用前二藥喜其遠幃幙戒
厚味二年諸症悉愈其聲響亮

世傳通關散治驚風愈後聲啞不能言者以
大南星一箇炮為末每服二分猪膽汁調

下便能言語

治要茯苓補心湯治心氣不足善悲愁怒
血面黃五心煩熱或咽喉痛舌本作強

茯苓 四錢

桂心

甘草

炙各三分

紫石英 煨

人參 各一錢

大棗 二枚

麥門冬

去心一錢

右水煎服

導痰湯

半夏

南星

茯苓

陳皮

炒

枳實

炒

甘草

炙

右薑水煎服

防風散治脾臟中風多汗惡風身體怠惰四

肢不能動色微黃不嗜食舌強語澁口眼

喎斜僻肌膚不仁腹膨心煩翕翕發熱神

思如醉其脉浮緩胸滿痰涎志意昏濁

獨活

一錢半

防風

茯神

去木

人參

附子

炮去皮

前胡

沙參

半夏

湯洗七次

黃芪

炒

旋覆花

羚羊角

鎊

甘草

右水煎服

半夏湯

半夏

桂枝

甘草

各等分

右水煎細細呷之

雞頭丸治小兒諸病後不能語

雄雞頭一箇 鳴蟬三箇 大黃錦紋者濕紙裹煨

甘草炙一兩 木通 人參各半兩

當歸 黃芪 川芎

遠志去心薑汁製略炒 麥門冬去心焙各三分

右為末煉蜜丸小豆大平旦米飲下五丸日三服兒大者加之久服取效

射干湯治夏秋暴寒喘咳喉啞失聲喉中如

梗

半夏五錢湯泡 生薑四錢泡 杏仁三錢去雙仁皮炙

射干 甘草炙 紫苑

肉桂 枳實炒 當歸

橘皮 獨活 麻黃去節泡各二錢

右每二三錢水煎服

菖蒲丸方見語逢

錢氏全蝎散方見偏風口噤

地黄丸方見腎臟

七味白朮散

方見積痛

補中益氣湯

方見虛羸

二陳湯

方見吐噦

滯頤

小兒滯頤者涎流出而漬於頤間也脾之液為涎由脾胃虛寒不能收攝耳治用六君子湯加木香凡作渴飲冷者屬實熱宜瀉胃火作渴飲湯者屬虛熱宜補中氣若脾經實熱

而廉泉不能約制者用牛黃清心丸脾經虛熱而廉泉不能收攝者用六君子加木香胃經實熱而蠱動津液流出者用瀉黃散虛熱用五味異功散大便秘結用清涼飲中氣下陷用補中益氣湯食積內熱用大安丸仍參口瘡頤腫條互覽之

治驗

一小兒滯頤面色痿黃余謂當調補中氣

不信用清熱之劑更加弄舌乃用五味異
功散漸愈後因停乳吐瀉復作先用大安
丸消其宿乳次用五味異功散補其中氣
而痊

一小兒滯頤面色赤手指熱用瀉黃散一
服而愈後因乳母飲酒其子復患前症用
東垣清胃散加乾葛神麩麥牙母子並服
而愈

一小兒停食腹痛用疎導之藥痛止左項
筋動口角涎流面色痿黃肢體微腫先用
六君柴胡升麻山梔四劑次用異功散加
升麻而痊

一小兒停食腹痛服峻利之藥吐瀉自汗
厥冷滯頤用六君升麻柴胡而愈

一小兒十一歲滯頤無噯氣下氣時常停
食服消導清熱之劑大便不實小腹重墜

此脾氣下陷也用六君升麻柴胡飲食漸
進大便漸實又用四神丸而愈

一小兒滯頤面色白或鰲腹痛手足時冷
脉微細此肺腎虛寒也宜先培其脾土用
溫胃散二服腹痛頓止又用六君子湯諸
症並愈後停食挾驚吐瀉發搐滯頤腹痛
復作用六君加柴胡鈞藤鈞四劑而痊
一小兒吐舌流涎余謂心脾有熱用導赤

瀉黃二散而愈後自服清熱化痰等藥更
加弄舌余用異功散加鈞藤鈞而安又用
六君子湯而愈

一小兒滯頤面色白或赤目劄咬牙此稟
肝腎氣不足內熱而生虛風也用地黃丸
以滋腎水異功散以補脾土而安

一小兒滯頤面青手按其腹則叫痛此夾
食與驚也用異功散加枳實升麻二劑而

愈後又停食吐瀉滯頤發搐面色青黃此脾虛而肝木乘之也用異功散加升麻柴胡釣藤鈎而愈

溫胃散治脾冷涎多流滯於頤

丁香 一兩 人參 半夏

肉豆蔻 白朮 乾薑

甘草 各半兩

右為末每服一錢薑水煎

愚按此方治脾胃虛寒涎流不止或嘔吐腹痛之良劑也脾氣稍溫但服五味異功散

六君子湯

錢氏異功散

四君子湯

清胃散 四方見內鈞

四順清涼飲 方見熱症

補中益氣湯 方見虛羸

大安丸 保和丸加白朮 方見虛羸

瀉黃散 方見脾臟

牛黃清心丸 方見急驚

四神丸 方見驚瀉

導赤散 方見心臟

腹痛

小兒腹痛口中氣冷不思飲食脾土虛寒也

用調中丸主之口中氣溫大便酸臭積痛也

用下積丸治之面赤壯熱或手足並熱實熱

也用瀉黃散瀉之面黃微熱或手足並溫虛

熱也用異功散補之若作渴飲湯胃氣虛熱

也用白朮散若痛連兩脇肝木乘脾也用四

君子湯加柴胡芍藥若腹痛重墜脾氣下陷

也用補中益氣湯加升麻若手足指冷或吃

逆泄瀉寒水侮土也用六君炮薑肉桂不效

急加附子若服尅滯之藥致腹作痛按之不
痛脾氣復傷也用五味異功散中脘痛者屬
脾小腹痛者屬腎按之痛者為積滯不痛者
為裏虛積滯者消之裏虛者補之

治驗

一小兒停食腹痛發熱面赤或用養胃湯
枳殼黃連山查反加腹脹午後發熱按其
腹不痛此脾虛而尅伐傷之也用六君子
湯數劑而瘥

一小兒七歲發熱驚悸用化痰藥反抽搐
惡寒吐痰喘嗽腹痛少食用抱龍丸大便
似痢寒熱往來殊類風症余以為脾氣復
損用四君子湯少加升麻柴胡治之月餘
而愈

一小兒肚腹膨痛食後即瀉手足逆冷此
脾氣虛寒也先用人參理中丸後用六君

子湯而愈

一小兒九歲常患腹痛至冬月因食生冷之物其腹仍痛服理中丸之類輒效至十歲秋初畢姻後腹痛又作唇面黯爪甲青余先君用八味丸補火隨愈服四兩許痛不再作至二十歲外痛復作服前丸不應乃服附子理中湯而止仍用八味丸而安

一小兒腹痛吐舌流涎作渴飲冷便秘用清涼飲下之頓安余謂小兒元氣易虛易實病勢稍安不必再藥不信自用三黃丸一服果吐瀉發搐余用白朮散加釣藤鈞補脾平肝而愈

四七氣湯治七氣所傷痰涎結聚心腹作痛不能飲食

半夏

兩製焙五

人參

辣桂

去皮各一兩

甘草 半兩

右每服三錢薑棗水煎

指迷七氣湯治七情相干陰陽不升降氣道

壅滯攻衝作痛

青皮

陳皮

桔梗

蓬朮

辣桂

益智仁 各一兩

香附子

一兩半

甘草

炙三分

半夏

製三分

右每服三錢薑棗水煎

異功散治小兒諸般釣症角弓反張胸高臍

凸以透明沒藥為末薑湯調下

方見天釣即錢氏異

功散

桔梗枳殼湯治氣壅痞結腹脇疼痛

枳殼

炒

桔梗

各二兩

甘草

炙半兩

右每服二三錢薑水煎

七味白朮散治積痛和胃氣生津液

方見積痛

愚按前方若脾胃氣虛作渴飲湯或因吐

瀉津液虧損煩渴引飲或脾胃虛弱腹脹

瀉渴弄舌流涎手足指冷並宜服之以溫

補脾氣化生津液 方見積滯

六君子湯治脾胃氣虛吐瀉不食肌肉消瘦

或肺金虛痰嗽喘促惡寒或肝虛驚搖眩

暈自汗諸症並宜服此以滋化源 方見內

瀉黃散 方見脾臟

四君子湯 方見內

補中益氣湯 方見虛瀉

八味丸 方見腎臟

附子理中湯

人參理中丸 二方見冷瀉
即理中湯

益黃散 方見脾臟

調中丸 方見脾胃虛冷

腹脹

東垣云寒脹多熱脹少皆主於脾胃虛者宜

用六君子湯若喘而氣短者脾肺氣虛也用
異功散補之若服尅伐之類而喘脹益甚者
脾肺之氣復傷也用前湯加半夏升麻若既
下而不喘則邪氣去而肺氣寧也不必用藥
或病久小便不利或四肢浮腫者脾肺之氣
虛不能通調水道也用金匱加減腎氣丸主
之或手足逆冷睡而露睛脾胃虛寒也用六
君子加炮薑手足不冷睡而露睛脾胃虛弱
也用六君子湯若面色青木尅土也用六君
木香柴胡更當調治乳母節其飲食恐藥餌
過劑復傷胃氣故也

治驗

一小兒腹脹面赤痰喘大便秘壯執飲冷
此形病俱實用紫霜丸一服諸症益甚面
色頓白飲湯不絕余以為邪氣退而真氣
復傷故面白而喜湯用白朮散大劑煎湯

令恣飲良久而睡翌日頓安

一小兒傷食腹脹胸滿有痰余治以異功散而痊後復傷食腹脹兼痛或用藥下之痛脹益甚而加氣喘此脾胃傷而致肺虛也用六君子加桔梗調補而痊

一小兒腹脹惡食發熱惡心症類外感余曰此飲食停滯也用保和丸一服諸症頓退惟腹脹用異功散而痊

一小兒傷食腹脹服剋伐之劑小便澀滯又服五苓散之類飲食漸減小便不通四肢頓腫余朝用金匱腎氣丸去附子夕用補中益氣湯而安

一小兒傷風咳嗽痰湧用六君桔梗桑皮杏仁而愈復飲食停滯作瀉腹脹仍用六君山查厚朴而安後停食作嘔或用藥下之更加咳嗽余謂此屬脾肺俱虛欲行調

補彼以為緩乃發表尅滯前症益甚更加
搖頭余用天麻散倍加釣藤鈎及異功散
尋愈

一小兒五歲食粽後咬牙欲吐頃間腹脹
昏憤鼻青黃赤此脾土傷而食厥也令用
雞翎採吐出酸物頓醒節其飲食勿藥而
愈

一小兒胸腹脹發熱煩悶以手按腹即哭
此飲食停滯也先用保和丸一服前症即
愈更加煩渴按其腹不哭此宿食去而脾
胃復傷也用五味異功散加柴胡治之頓
瘳

一小兒腹脹大便青白腹左一塊面色痿
黃齒齦赤爛食少滯頤余用異功散調補
中氣為主佐以大蕪荑湯清疳治熱月餘
諸症稍愈仍服異功散及蝦蟆丸外貼阿

魏膏兩月塊消左脇微痛用四君子湯九

味蘆薈丸而愈

褐子丸治疝腫脹

蘿蔔子

一兩
微炒

陳皮

青皮

炒

檳榔

五靈脂

蓬朮

煨

黑牽牛

頭末各半
炒

赤茯苓

木香

二錢
五分

右為末麵糊丸萊豆大每服十五丸紫蘇

湯下

金匱加減腎氣丸

熟地黄

乾山藥

山茱萸肉

澤瀉

白茯苓

牡丹皮

肉桂

附子

炮

車前子

炒

牛膝

酒微炒

右各另為末米糊小豆大每服三四十九
空心食前白湯下

紫霜丸

方見噤風

大柴胡湯

方見瘕症

五苓散

方見五淋

保和丸

方見虛羸

天麻散

方見百醉內嗽

光蕪蕘湯

蝦蟆丸

九味蘆薈丸

三方見疝症

癖塊痞結

錢仲陽云癖塊者僻於兩脇痞結者否於中
腕此因乳哺失調飲食停滯邪氣相搏而成
或乳母六淫七情所致古人多用尅伐痞癖
既久飲食減少脾氣必虛久而不愈必先以
固胃氣為主使養正則積自除若欲直攻其
結不惟不能善消抑亦損其脾土矣凡脾土
虧損必變症百出矣當察各類及隨見症而

主治之

治驗

一小兒患痞癥服檳榔蓬朮枳實黃連之類痞益甚余曰此脾經血虛痞也不可尅伐遂用六君子加當歸數劑胃氣漸復諸症漸愈乃朝用異功散加升麻柴胡夕用異功散加當歸芍藥而愈

一小兒素嗜肉食腹痛大便不調半載後右脇結一塊三月後左脇又結一塊腹脹食少作渴小便赤濇大便色穢又半載後額下亦結一核妄服消塊行滯等藥而元氣益虛用四味肥兒丸五味異功散之類熱渴漸止腹脹漸可佐以九味蘆薈丸結核漸消後用四君子為主佐以四味肥兒丸之類三月餘而痊

一小兒停食吐瀉後飲食不節作瀉腹痛

膨脹腹中結塊作渴發熱齧爛口臭服消
導尅滯之藥而前症益甚形體益瘦視其
面色黃中隱青乃脾土虧損而肝木所侮
也法當調補中氣兼平肝木遂用沖和湯
及大蕪荑湯之類半載而愈

一小兒患痞結服尅滯之藥余謂屬形病
俱虛當補中氣彼不信仍行尅伐遂致虛
火上炎齒齧蝕爛頷下結核余用大蕪荑
湯及異功散加減用之而安

一小兒患痞結久而四肢消瘦肚腹漸大
寒熱嗜卧作渴引飲用白朮散為主佐以
四味肥兒丸月餘諸症漸愈又以異功散
加當歸并六味地黄丸又月餘而愈

一小兒患痞結身熱如火病狀多端不可
盡述朝用五味異功散夕用四味肥兒丸
月餘諸症稍愈佐以地黄丸自能行立遂

朝用地黃丸夕用異功散及蝦蟇丸數服而愈

挨痞丸治乳癖穀癥復中塊痛

代赭石

火煨醋淬研細

青皮

木香

蓬朮煨

生地黃各三錢

巴豆

去油淨六錢

右為末醋糊丸麻子大每服二三丸食後

薑湯下

甘遂破結散

甘遂

二錢五分煨黃

青皮

焙

黃芩

炒

大黃

炒各半兩

右為末每服一錢水煎服仍量兒加減利

後以粥補之

進食丸治乳食不消心腹脹滿壯熱喘粗嘔

吐痰逆腸鳴泄瀉或食癥乳癖痰氣痞結

並皆治之

巴豆霜

當歸

米泔浸炒

朱砂

枳殼

炒

木香

各五錢

麝香

一分

代赭石

醋煨淬七次

右為末糊丸麻子大每服一二九溫米飲

下更量兒加減

枳木丸

白木

四兩

枳實

二兩

右為末荷葉包煨爛飯為丸桐子大每服

四五十九丸空心白滾湯下

阿魏膏治一切癰塊痞結更服胡連丸

羌活

獨活

玄參

官桂

赤芍藥

川山甲

生地黄

兩頭尖

大黃

白芷

天麻

各五錢

槐柳桃

枝各三錢

紅花

四錢

木鱉

十枚去殼

亂髮

如雞子大一團

右用香油二斤四兩煎黑去渣入髮煎化

仍去渣徐下黃丹煎軟硬得中入芒硝阿
魏蘇合香油乳香沒藥各五錢麝香三錢
調勻即成膏矣攤貼患處內服丸藥黃丹
須用真正者效凡貼膏藥先用朴硝隨患
處鋪半指厚以紙覆上用熱熨斗熨良久
如硝耗再加熨之二時許方貼膏藥若是
疝積加蘆薈末同熨

六味地黃丸 方見腎臟

四君子湯

異功散

六君子湯 三方見內鈔

四味肥兒丸 方見嘔吐

大蕪荑湯 一名冲和湯

蝦蟆丸

九味蘆薈丸 三方見疝症

白朮散 方見積痛

積滯

經曰五臟之積曰積六腑之積曰聚凡小兒積滯或作痛皆由乳哺不節過餐生冷脾胃不能尅化停滯中脘久而成積或因飽食即卧脾失運化留而成積其症面目黃腫腹痛膨脹肚熱足冷嗜卧不思乳食大便酸臭或悶澁小便如油若吐乳瀉乳所出酸臭者為乳積腹脹作瀉嘔吐噦氣者為食積初患元

氣未損之時或腹脹作痛大小便不利者先用白餅子或木香檳榔丸下之下後以白朮散或五味異功散和之渴加乾葛吐加半夏下而熱不退或作嘔作瀉飲食不思此脾胃俱傷也用六君子湯手足指冷喜飲熱湯此脾胃虛寒也前方加炮薑木香面色黃白目無精光脾肺俱虛也用四君子加柴胡升麻腹痛泄痢下重或小便不利者用四逆散發

熱晡熱或瀉未已脾氣下陷也潮熱口渴大便不調欲變疳症也並用補中益氣湯佐以肥兒丸經云邪之所湊其氣必虛留而不去其病乃實必以調脾為主而以消導佐之古人所謂養正積自除正此意也

治驗

一小兒每停食身發赤暈用清中解鬱湯而愈後患搖頭咬牙痰盛發搐吐出酸腐待其吐盡翌日先與七味白朮散次與參苓白朮散遂不復作若吐後兒安更不必服藥也

一小兒飲食積滯患嘔吐發熱服消導等劑飲食已消而熱未退余以為胃經虛熱用六君升麻柴胡各二分四劑而愈一小兒七歲停食後腹痛脹尅伐之劑而益加按之不痛此脾氣復傷也用六君子

湯而愈後復傷食服保和丸及三稜檳榔
之類而更腹痛服瀉黃散體重善噫此脾
氣虛而下陷也仍用六君升麻柴胡木香
而愈

一小兒數歲間每停食輒服峻利之藥後
肚腹膨脹嘔吐泄瀉先用六君子湯諸症
漸愈又用補中益氣湯而安

一小兒腹脹飲食後即瀉手足逆冷此脾
氣虛寒也先用人參理中丸後用六君子
湯而愈

一小兒腹痛以手按之痛益甚此小兒食停
滯也用保和丸末一錢檳榔末三分下酸
臭糞而安後患腹痛別服峻利之劑其痛
益甚手按則已面色黃白此因飲食失宜
脾氣不調土虛不能生金也用六君子湯
而愈

傷寒全書卷五
一 小兒久患腹痛診其母右關脈弦緩乃
木尅土也用六君子湯加木香柴胡母子
並服而愈

一 小兒停食腹痛面色白黑睛少手足常
冷大便不實口鼻吸氣腹中陰冷此稟命
門火衰不能溫柔中州之氣故脾胃虛寒
也用八味丸補中益氣湯而愈

一 小兒患前症服驅逐之劑更惡寒發熱
余朝用補中益氣湯夕用五味異功散尋
愈後飲食停滯腹痛便秘別用疎導之劑
朝寒暮熱大便頻數余用五味異功散月
餘飲食漸進乃佐以八珍湯內芍藥炒焦
川芎些少又兩月寒熱漸愈後又傷風服
參蘇飲汗出喘嗽發熱服清熱化痰之劑
更煩熱不寐尋衣撮空先用六味地黃丸
料水煎服諸症頓退再劑而安却用五味

異功散八珍湯而痊後因傷食吐瀉大便
欲去而不去欲了而不了先用補中益氣
湯數劑不應改用人參五錢白朮三錢陳
皮甘草各七分升麻四分乾葛五分三劑
又手足並冷急用人參一兩附子五分薑
棗水煎二日服二劑手足始溫又二劑諸
症漸退仍用前人參五錢之方治之而愈
七味白朮散治吐瀉作渴

人參

二錢五分

白茯苓

白朮

藿香葉

各半兩

木香

二錢

甘草

一錢

乾葛

半兩渴加一兩

右每服一二錢水煎熱渴甚去木香肚痛

加芍藥

四逆散治少陰病或腹中痛泄痢下重

枳實

炒黃

甘草

炒

柴胡

芍藥

右為細末每服二錢空心米飲調下

白餅子 方見發搐

木香檳榔丸 方見積滯

五味異功散

六君子湯 二方見內鈞

補中益氣湯 方見虛羸

